



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tora nevi'im u-ketuvim

Leusden, Johannes

Amstelodami, 1667

Celsissimis Et Potentissimis Dominis, D. D. Ordinibus Generalibus
Foederati Belgii.

urn:nbn:de:hbz:466:1-39406



CELSISSIMIS
ET
POTENTISSIMIS
DOMINIS,
D. D. Ordinibus Generalibus
FOEDERATI BELGII.

ETSI veremur, Potentissimi Proceres, in tantâ negotiorum mole, gravissimas Vestras curas. & publica Pacis ac Belli consilia, intempestivo sermone interturbare: Libri tamen, quem sacrario Vestro inferimus, dignitas ac pretium, & nonnullum in eo edendo à nobis adhibitum studium, hanc fiduciam sumere coegerunt. Offerimus enim Vobis Divinæ Legis libros, quos Regibus & Principibus adeo commendatos voluit Deus, ut istud supra omnes eorum titulos ac laudes ponat, si Vindices ac Custodes illorum deprehendantur. Et verò necesse est, eos publice identidem exponere, & divinam hanc lucem Orbi sapius ostendere, atque hinc præsertim temporibus, quibus extinctâ pietate improbitas tam latè dominatur, vel invitis & reventibus oculis ingerere. Est enim hoc pretiosissimum Cœli depositum, sine quo universus Mundus in profundis tenebris,

a
bris,

EPISTOLA DEDICATORIA.

bris, absque ullo Dei ac Cœli commercio, æternum jacuisset, à Conditore suo veluti abjectus & neglectui habitus. Nunc verò publicato eo Thesauro, & Deum esse, eumque in Mundo esse locutum, & fœdus cum homine fecisse, & non frustra humanum genus condidisse, apparet: ac quoties de novo ejus copiam facit, iterum præsens homines affari, eorumque rebus intervenire, ac cœlesti quodam lumine Mundum perfundere videtur: ad cujus adspæctum non attollere oculos, neque eâ luce sese pascere ac fatiare velle, id verò est hominis ingrati, & ad verum animæ pabulum nauseantis. Enimvero Gens nostra sacratissimum hunc Codicem pro pécilio suo semper habuit; & non illubenti animo egiâ ista audimus, quod Sacrorum voluminum custodes, ac universi Mundi veluti capsarii dicimur, quod divina oracula nobis tradita & fidei nostræ credita fuerint, quodque ea è Zione nostrâ in universum Orbem diffusa, clarissimam ubique lucem accenderint, nullis unquam tenebris obscurandam. Nunc ergo iterum ea typis nostris educta in publicam lucem damus, eo cultu ornatuque, quem adhibere licuit. Diligentiæ nostræ in hâc Editione testes erunt Academia Vestra, & Docti Viri, quorum judicia & nomina in initio operis præscripsimus. Id unum solum de nobis ipsis profiteri liceat, eam curam in adornando hoc opere, & tantum à nobis adhibitum studium, ut omnibus numeris perfectum prodiret, ut majore uti non potuerimus. Accipite ergò, Celsissimi Proceres, facili ac benigno vultu Codicem hunc, quem portat Judæus, ut non incelebris Christianæ Legis Doctoris verbo utar; & in eo studia universæ nostræ Gentis æstimate; quæ tam diu Majorum suorum sedibus extorris, & in Vestrâ Republicâ

EPISTOLA DEDICATORIA.

Republicâ beatissimâ pace ac securitate gaudens, sese Vestris C. C. humillimè commendat; & , dum ei sua fata per totum Orbem agitata manent, nihil nisi mite exilium, ac non durum hospitium precatur; donec Domino placuerit misereri Zionis, & victo ac triumphato Mundo, universæ Terræ præsentî numine sese Deum exhibere, ac palam ostendere; quod continuis precibus expetimus.

Deus Opt. Max. Illustr. & Potentiss. Rempub. Vestram, pro cuius salute nostra Gens quotidiana vota facit, diu incolumem ac florentem, Vobisque omnibus sese faventem ac propitium præstet.

Illustriss. & Potentiss. Celsitud.

Vestrarum

Observantissimus cultor,

JOSEPH ATHIAS.